

Kjarastefna KÍ 2014-2018

Stefna KÍ í kjaramálum 2014 til 2018

Laun og önnur starfskjör

Kennarasamband Íslands og aðildarfélög þess leggja áherslu á að:

- Laun og önnur starfskjör kennara og náms- og starfsráðgjafa standist ávallt samanburð við kjör annarra sérfræðinga á vinnumarkaði.
- Laun og önnur starfskjör stjórnenda skóla standist ávallt samanburð við kjör annarra stjórnenda á vinnumarkaði.

Í íslenskri starfaflokkun, ÍSTARF₉₅, sem byggð er á alþjóðlega staðlinum ISCO-88, eru störf stjórnenda í skólum flokkuð með störfum annarra stjórnenda. Um störf **stjórnenda** segir þar:

„Hér flokkast störf þar sem viðfangsefnin felast í að ákveða og framkvæma stefnu hin opinbera, setja lög og semja reglugerðir, fylgjast með framkvæmd þeirra og koma fram fyrir hönd ríkis eða sveitarfélaga. Ennfremur flokkast hér störf sem fela í sér áætlanagerð, stjórnun og samhæfingu á stefnu og starfsemi einkafyrirtækja, samtaka eða stofnana. Ekkert eitt kunnáttustig tengist þessum bálki.“

Samkvæmt tölum Hagstofu Íslands voru regluleg laun fullvinnandi stjórnenda á almennum vinnumarkaði að meðaltali 817 þús. kr. á mánuði árið 2012 en heildarlaun þeirra voru að meðaltali 904 þús. kr.

Í íslenskri starfaflokkun, ÍSTARF₉₅, sem byggð er á alþjóðlega staðlinum ISCO-88 eru störf kennara og náms- og starfsráðgjafa flokkuð með störfum annarra sérfræðinga. Um störf **sérfræðinga** segir þar: „Hér flokkast störf sem krefjast sérfræðilegrar þekkingar og reynslu á sviði raunvísinda og hugvísinda. Viðfangsefnin felast í því að auka þekkingu sem fyrir er, nota vísindaleg og listræn hugtök og kenningar til að leysa vandamál og annast kennslu á kerfisbundinn hátt. Flest störf í bálkinum krefjast kunnáttu samkvæmt fjórða kunnáttustigi ÍSTARF₉₅, þ.e. að minnsta kosti B.A., B.S., B.Ed. eða sambærilegrar menntunar.“

Samkvæmt tölum Hagstofu Íslands voru regluleg laun fullvinnandi sérfræðinga á almennum vinnumarkaði að meðaltali 650 þús. kr. á mánuði árið 2012 en heildarlaun þeirra voru að meðaltali 716 þús. kr.

Starfsskilyrði

Kennarasamband Íslands og aðildarfélög þess leggja áherslu á:

- Mikilvægi vinnuumhverfismála.
- Mikilvægi starfsendurhæfingar.
- Styttingu vinnuvikunnar.
- Að vinnuaðstaða í skólum uppfylli þær kröfur sem starfið gerir á hverjum tíma.
- Í kjarasamningum verði tryggður nægur tími til að sinna undirbúningi og úrvinnslu kennslu.
- Að nemendafjöldi á hvert stöðugildi náms- og starfsráðgjafa verði að hámarki 300.
- Að nemendafjöldi verði ekki svo mikill í hópum að það ógni faglegu starfi.
- Að auka kjarasamningsbundinn rétt félagsmanna til símenntunar og annarrar starfsþróunar á starfstíma skóla.

Kjarasamningsumhverfi

Kennarasamband Íslands og aðildarfélög þess leggja áherslu á að:

- Greiðslur til félagsmanna úr Vinnudeilusjóði og Sjúkrasjóði verði ekki skattlagðar.
- Kjarasamningar gildi frá þeim tíma er fyrri samningur rann út.
- Öllum launagreiðendum verði skylt að skila fullnægjandi upplýsingum um launagreiðslur til viðkomandi stéttarfélags/bandalags.
- KÍ semur miðlægt fyrir félagsmenn um tiltekna kjarapætti s.s. ráðningarréttindi, lífeyrismál, veikindarétt, trygginga- og bótarétt, fæðingarorlof og um réttindi og kjör trúnaðarmanna.
- Tryggja þarf rödd kennara í starfi (sértrygging á raddheilsu kennara).
- Efla og samræma kjararannsóknir á almennum og opinberum vinnumarkaði til að auðvelda launasamanburð.
- Kjarasamningar eru samningar um lágmarkskjör. Semja má um betri kjör en þar eru tilgreind en ekki lakari.
- Skólagerð sé ekki ráðandi þáttur í því hvernig menntun, kennsluferill og reynsla er metin til launa.

Réttindamál

Kennarasamband Íslands og aðildarfélög þess leggja áherslu á:

- Að fagmenntun og starfsréttindi félagsmanna verði virt óháð rekstrarformi skóla.
- Að öll störf séu auglýst með viðeigandi hætti.
- Bætt starfskjör trúnaðarmanna.
- Að ákvæði í kjarasamningum og almannatryggingakerfið verði bætt sérstaklega hvað varðar eftirtalda þætti:
 - réttindi vegna veikinda barna og leggja í því sambandi sérstaka áherslu á rétt foreldra langveikra barna,
 - veikindi maka/sambúðarfólks og foreldra,
 - fráfall maka, barna og annarra náiinna ættingja.
- Réttur vegna hlutaveikinda verði styrktur þannig að þau telji hlutfallslega en ekki að fullu eins og nú er.
- Lengra fæðingarorlof og full laun í fæðingarorlofi.
- Að félagsmenn njóti ætíð bestu lífeyrisréttinda sem völ er á.
- Að áunnin og umsamin lífeyriskjör opinberra launþega verði ekki skert.
- Að ekki verði hróflað við þegar áunnum lífeyrisréttindum opinberra starfsmanna.
- Að hafnar verði inngreiðslur vegna skuldar ríkisins í B - deild LSR.
- Að iðgjald í A - deild LSR verði hækkað eins og lög mæla fyrir um.
- Hækkun framlaga í Sjúkrasjóð þannig að öll stöðugildi skili 0,75% af heildarlaunum hið minnsta til sjóðsins frá vinnuveitendum.
- Hækkun framlaga í Orlofssjóð þannig að öll stöðugildi skili 0,5% af heildarlaunum hið minnsta til sjóðsins frá vinnuveitendum.
- Launajafnrétti kynjanna verði tryggt.
- Að kennari hafi val um að taka yfirvinnu sem unnin er á skólatíma út með frítöku, samanber kjarasamning FL.